

弘治二年六月十一日礼部為建言民情事該吏部等衙

門辦事官人等裴傑等建言民情事件通政使司官奏

合着礼部抄出會官議奉

聖旨是欽此欽遵抄出到部會同各部都察院通政使司大理寺

六科議得除有例見行見泛言難准外數內六十二件合

准所言宜從吏部等衙門查勘定奪施行具題奉

聖旨是欽此

計開

一部部辦事官裴傑等言禁囚徒以清奸弊事臣切見

問刑大小衙門問擬擺站囚徒照例發衙要驛迤照

徒年限滿日踈放奈何向役衙門官吏遇有發到囚

徒止將着役日期收管繳報以後並無稽考俱被其

辦納月錢或雇人替當受賄賂順從放回以此罪名

有限未拘實役似此之弊惡難枚舉如蒙乞議各行該問刑衙門遇有問發擺站因徒務令拘役衙門官吏收發正身應役不許雇人代替按季造冊繳報該管府州縣以憑差人點閘拘役限滿日期具由申請明文至日方許踈放寧家中問果有在逃賣放情由者仍要扣補賣放者問擬贓罪如此則法有所歸人知警惧事有稽考矣

前件按季造冊差人點閘及滿日申請踈放煩擾窒碍難行其所言辦月錢或雇人替當中問恐有此弊擬令通行南北直隸并浙江等布按二司各行所屬該管衙門當該官吏今後遇有發到囚徒務要嚴加稽考審實正身方應役徒限滿日放回寧家並不許賣錢賣放及辦納月錢容留雇工人替當中問果有在逃者仍令扣補賣放者或被入告發或訪察得出該管衙門徑自問擬贓罪照例發落庶法令嚴明人知畏懼